



KABINET PREDSJEDNIKA I POTPREDsjEDNIKA

Sarajevo, 13.02.2019. godine

Broj: 01-4-01-4-313/19

**PREDMET:** Poziv za konferenciju „Digitalizacija bosanskohercegovačkog društva“, 18.-20.03.2019.

Poštovani,

Sarajevo će od 18. do 20. marta 2019. godine biti domaćin konferencije „Digitalizacija bosanskohercegovačkog društva“ koju organizuju Vanjskotrgovinska komora BiH u suradnji sa GlobalGPS BH. Domaći, regionalni i međunarodni eksperti, članovi akademске zajednice, predstavnici poslovne zajednice, predstavnici asocijacija koje okupljaju mala i srednja preduzeća, predstavnici internacionalnih institucija u BiH i diplomatskih predstavništava će učestvovati u trodnevnom radu ove konferencije na kojoj će biti predstavljena studija Index e-spremnosti i primjeri najboljih praksi u razvoju savremenih informacionih društava. Predstaviće se praktična rješenja u sektorima kojima se bavi sama studija i sektorski paneli konferencije.

Konferencija je sastavni dio aktivnosti kojim VTK daje doprinos Programu razvoja informacionog društva BiH, sa ciljem promocije bosanskohercegovačke privrede i podrške usklađivanju izvozno orijentisanim firmama u približavanju modernim tokovima poslovanja i rada u Europskoj uniji i svijetu. Rad konferencije će biti podijeljen u panele (Digitalna transformacija transportne i logističke industrije, Humana medicina i zdravstveni sistem, IKT Industrija i infrastruktura, IKT i energetska efikasnost i okoliš i ekologija, Državna administracija i javna uprava, Edukacija i infrastruktura, Digitalizacija komorskog sistema, Statistika i Standardi, Digitalizacija kulturne baštine i medija, Upotreba IKT radi poboljšanja sigurnosti i bezbjednosti građana, Budućnost finansijskog sektora, Mala i srednja preduzeća, Nova radna snaga, Dobro upravljanje nacionalnim resursima, Pravo i Zakonodavstvo, Agro industrija i proizvodnje hrane i Arhitektura i građevina) koji će moderirati i u kojim će učestvovati predstavnici akademске zajednice, biznis sektora, javnog sektora, članovi asocijacija i udruženja koji će dati svoj doprinos ovoj jedinstvenoj prilici za razmjenu znanja i iskustava.

Vjerujemo da Vaša Institucija predstavlja iznimno važan izvor informacija o dosadašnjim aktivnostima u razvoju informacionog društva u BiH, ali i izvor o dobrom praksama u ovom sektoru koji bi trebalo predstaviti stručnoj, ali i široj javnosti u BiH.

Shodno navedenom, a cijeneći Vaša dosadašnja iskustva i svakodnevni rad na traženju najboljih rješenja koja će ubrzati razvoj i prosperitet Bosne i Hercegovine, smatramo Vas izuzetno važnim učesnikom u radu ove konferencije te Vas pozivamo da uzmete učešće u istoj i da uveličate svojim prisustvom rad konferencije od 18. do 20. marta 2019. godine.

Nadamo da ćete iskazati interes i uzeti učešće u realizaciji Konferencije. Sve informacije o prijavi Vašeg učešća, kotizaciji i ostale informacije o konferenciji možete potražiti na [www.tiimiss-conference.com](http://www.tiimiss-conference.com) ili možete kontaktirati i gdina Faruka Čenigića na tel +387 61 57 09 03, kao i putem e-mail adrese [faruk.cengic@globalgps.ba](mailto:faruk.cengic@globalgps.ba)

S poštovanjem,

